



## Universitätsbibliothek Paderborn

**Theses Theologicae De Peccatis Ignorantiae Et  
Potissimum Ignorantiae Juris Naturae**

**Huygens, Gommarus**

**Lovanii, [1683?]**

IX. Ex S. Thoma ostenditur quòd Ignorantia juris naturæ non excuset in totum agentem contrà illud.

**urn:nbn:de:hbz:466:1-40433**

tum. Nec propterea necessarium, ut ista sive injustitia, sive malitia, sive inordinatio intellectu cognoscatur: sufficit enim si ipsum intellectus objectum sit injustum, malum ac inordinatum. Hoc verò locum obtinet in omnibus omnino quæ sunt juri naturæ contraria ex. gr. Si quis mentiatur officiosè, existimans id licitum esse causâ magnæ utilitatis, voluntas mentientis fertur in objectum quod ab intellectu cognoscitur, id est, in mendacium quod est verè injustum, malum ac inordinatum, etiam si injustitia, malitia & inordinatio ignoretur. Secùs in illis quæ fiunt ex ignorantia factorum. Ex. gr. si hominem occidas involuntariè putans esse feram, aut si in bello justo commilitonem involuntaria errore, existimans esse hostem. Nam objectum voluntatis & intellectus est occidere feram, & occidere hostem, quod nec injustum, nec malum, nec inordinatum est. Pariter si carnes comedas die Veneris involuntariè ignorans esse diem Veneris, objectum sive intellectus sive voluntatis est comedio carnis non restricta ad diem prohibitum; hoc iterum objectum nec injustum, nec malum, nec inordinatum est. Idem est si scias esse diem Veneris, sed involuntariè ignores prohibitum esse illo die carnes comedere. Nam comedio carnium die Veneris, quæ tunc sola, id est, non comprehensâ prohibitione, est objectum intellectus & voluntatis, nec injusta, nec mala est, nec inordinata; sicuti injusta, mala & inordinata non est quando prohibitio re ipsa abest: nam injustitia, malitia & inordinatio in dicta comedione non involvitur, id est, in ejus essentia non continetur. Alter se res habet circà mendacium sive objectum hominis mentientis in quo objecto malitia & inordinatio involvitur, sive illi essentialis est; uti & ipsa prohibitio quâ per legem æternam est prohibitum, ita ut non possit non esse prohibitum; non enim potest mendacium non esse iniquum, sive non esse contrâ æquitatem, nec potest non esse inordinatum, sive non esse contrâ incommutabilem ordinem, adeoque non potest non esse contrâ legem æternam, quæ est ista æquitas & iste ordo. Non dicimus equidem malitiam aut inordinacionem necessariò debere esse cognitam, sed in objecto cognitionis hominis mentientis necessariò involvi: aliud enim est malitiam & inordinationem esse cognitam, aliud in objecto cognitionis involvi: sicut aliud est esse volitam, aliud in objecto volitionis involvi; prout etiam aliud est prohibitionem quâ per legem æternam prohibetur, esse cognitam aut volitam, aliud in objecto cognitionis & volitionis involvi. Involvitur semper quando objectum est intrinsecè malum, ut vocant, vel ut alii, per se malum, ita ut non idèo malum sit quia prohibitum (nimis per legem aliquam positivam) sed ut idèo prohibitum quia malum est.

I X.

*Ex S. Thoma ostenditur quòd Ignorantia juris naturæ non excusat in totum agentem contrâ illud.*

S. Augustino conformis est S. Thomas quodlibeto 8. art. 13. dum generaliter pronuntiat: duobus modis aliquis ad peccatum obligatur, uno modo faciendo contrâ legem, ut cum aliquis fornicatur, alio modo faciendo contrâ conscientiam etiam si non sit contrâ legem..... illud autem quod agitur contrâ legem, semper est malum, nec excusat per hoc quod est secundum conscientiam. Aureum vocat hunc locum quidam ex discipulis S. Thomæ in sua dissertatione de probabilitatis commento, & merito, nullum enim relinquit effugium: nam S. Thomas aperè dicit: quod agitur contrâ legem, semper est malum: nullum ergo casum admittit quo non sit malum. Frustrè interpretaberis S. Thomam de eo quod materialiter solum, ut vocant, malum est, nam S. Doctor hæc allegat ut probet quod aliquis ad peccatum obligetur faciendo contrâ legem, id est, quod peccet formaliter agendo contrâ legem. Frustrè similiter interpretaberis S. Thomam ac si illam doctrinam, quod agitur contrâ legem, semper est malum, non extenderet ad omnes casus ignorantiae juris naturæ; quia rursus doctrinaliter & universaliter pronuntiat: nec excusat per hoc quod est secundum conscientiam. Frustrè denique S. Thomam interpretaberis ac si tantum loqueretur de illis

B

quæ



quæ aguntur contrà universalia juris naturæ , ut alibi vocat , contrà præcepta communissima legis naturalis , nam certum est S. Thomam loco à nobis citato suam doctrinam extendere etiam ad illa quæ in jure nature adeò sunt abstrusa , ut in illis inveniantur Theologi Theologis , Iurista Iuristis contraria sentire , prout ex S. Thoma quodlib. 9. art. 15. constat evenisse circà hanc quæstionem , an liceat simul habere plures præbendas ? Ad hanc itaque quæstionem etiam extendit S. Thomas doctrinam autè dictum : quod agitur contrà legem , semper est malum . Nam quodlibeto 8. art. 13. suprà citatis doctrinam suam declarat his verbis : dicendum est ergò , quod quando sunt duo opiniones contrariae de eodem , oportet esse alteram veram , alteram falsam . Aut ergò ille qui facit contrà opinionem Magistrorum , utope habendo plures præbendas , facit contrà veram opinionem , & sic cum faciat contrà legem Dei , non excusatur à peccato , quamvis non faciat contrà conscientiam . Ex quibus manifestum est hanc doctrinam , quod agitur contrà legem , semper est malum , nec excusatur per hoc quod est secundum conscientiam : non solum ad universalia juris naturæ , sive ad præcepta communissima legis naturalis extendi , sed etiam ad secundaria quæ sunt conclusiones . Nec refert quod S. Doctor 1. 2. quæst. 94. art. 6. in corp. dicat : Quantum ad præcepta secundaria , potest lex naturalis deleri de cordibus hominum ; quia aliud est quoad hæc de cordibus hominum deleri ( quod propter malas persuasiones , vel etiam propter pravas consuetudines & habitus corruptos , ibidem docet fieri posse ) aliud homines in istis excusari . Quis enim dicet homines excusari à transgressione legis naturalis ratione ignorantia inducta propter malas persuasiones , pravas consuetudines & habitus corruptos ? Praterea quod secundaria de cordibus hominum deleri possint S. Doctor declarat exemplis dum ait : sicut apud quosdam non reputabantur latrocinia peccata , vel etiam virtus contra naturam , ut etiam Apostolus dicit ad Rom. 1. Audebitne aliquis dicere quod talia flagitia fuerint patrata sine peccato ? Ex his omnibus credimus adeò manifestum esse quod ex doctrina S. Thome tradita Quodlib. 8. art. 13. sequatur ignorantiam juris naturæ nunquam excusare in totum agentem contrà illud , ut vereamur ne qui aliter de ignorantia juris naturæ sentiunt , convicti per evidentiam consequentia , quæ ex doctrinâ S. Thome conficimus , potius audeant impugnare ipsam doctrinam S. Thome , quæ istam consequentiam ; quasi nimis S. Thomas dicendò : quod sit contrà legem , semper est malum , loqueretur nimis generaliter ita ut etiam de quavis lege positivâ forer doctrina ejus intelligenda . Verum pro intellectu S. Thome notandum , non fieri contrà legem , humano scilicet modo , dum quispam ita agit , ut nec exprefse nec interpretativè velit contrarium legi , quod locum habet in eo qui vult rem ex se indiferentem , esto lege positivâ prohibitam , modo involuntariè legem illam ignoret ; quia humano modo rem illam vult quatenus est objectum cognitionis , jam vero catenus non est contraria legi , secus dum ignorantia est voluntaria , quia sicut tunc interpretativè cognoscit rem illam esse contrarium legi , ita quoque interpretativè vult contrarium legi ; secus etiam dum quispam vult rem contrarium juri naturæ , quia objectum cognitionis , ut ex anteriori conclusione patet , tunc est essentialementer contrarium legi aeternæ , & similiter objectum volitionis ; adeoque tum semper exprefse vult contrarium legi aeternæ , et si contrarietas ad legem aeternam non sit cognita .

## X.

## Veterum Scholasticorum sententia de ignorantia juris naturæ .

Post Scripturam Sacram , SS. Augustinum & Thomam , nihil opus esset scholasticis , nisi id exigerent scholastici quidam , qui hanc sententiam , veluti erroneam & à bona Theologia prorsus alienam , traducere non cessant . Adversus hos observandum , quod apud omnes Theologos indubitatum sit , ignorantiam juris naturæ vincibilem non excusare à peccato agentem contra illud : At vero omnem ignorantiam juris naturæ esse vincibilem , ut fatetur ipse Vasquez in 1. 2. Disput. 122. cap. 1. docent Albertus Magnus , Alexand. Alensis ,